



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt XXVIII. Otingense Collegivm in Bauaria, & d. Salisburgensi.

urn:nbn:de:hbz:466:1-11227

CAPVT XXVII.

TIGVRIVM COLLEGIVM IN
Heluetijs.

IN Vrbe Tigurina apud Heluetios, ex opposito Basilicæ Canonissarum, est insigne templum pro XXIV. Canonicis à Carolo Magno Imperatore in honorem SS. Felicis, Regulæ & Exuberantij, circa annum septingentesimū sexagesimum fundatū ac dotatum. Collegium istud Senatus Tigurinus, ab Ecclesiæ Romanę castris desciscens, in Academiam omnium disciplinarum conuertit. Ita Bruschius in descriptione Fravvemusterensis Canonissarum collegij apud Tigurinos.

CAPVT XXVIII.

OTINGENSE COLLEGIVM IN
Bauaria, & d. Salisburgensi.

Vetus est Collegium Canoniorum sæcularium, non procul ab Oeno & Vrbe *Otingē*, vbi Vto, aliàs Otto, Dux Bauarię, filius Theodonis secundi, cognomento Magni, regiam prætoriumque suum constituit. Propter commoditatem situs aucupiorum, venationum, & piscationum Reges & Principes Bauarię frequenter ibi habitarunt, tum etiam propter crebras Hunnorum & Vngarorum irruptiones in Noricum, Principes Imperij ibi fre-

bi frequenter conuenerunt.

S. Rupertus regio Francorum genere progenitus Theodonem, Othonemq; filios Theodonis Magni iam defuncti, in fide Christiana instituit, Theodonem Ratisbonæ, Othonem autem in Otinga baptizauit, duoque templa exstructa à Principibus prætoria Christo & eius Beatissimæ Genitrici dedicauit, vnum Ratisbonæ, alterum Otingæ, vtrumque vetus Capella vocatur.

Circa annum Christi 776. Carolomannus Rex Boiorum & Italiæ, filius Ludouici Regis Boiorum & Franciæ, nepos Ludouici Pij, pronepos Caroli Magni, Otingæ frequenter habitans, monasterium ibi pro sacratis viris magnificè construxit, liberaliter dotauit, plurimorum Sactorum ossa & reliquias ibi cõdidit, brachium nimirum S. Philippi, item S. Maximiliani, & S. Felicitatis sacros cineres. Carolus quoque Tertius, Romanorum Imperator, fundatoris frater, regia munificentia Otingense cœnobium plurimum ditauit.

Carolomannus fundator obiit anno 880. XII. Kalendas Aprilis: ibique sepultus est. Eius filius *Arnolphus*, Imper. Romanorum ibidem obiit anno 899. Arnolphus Imperator quoddam prædium huius monasterij situm in Italia, quod dicitur *summus Lacus*, commutauit cum quadam Curte, quæ vocatur *Porte*, cū suis pertinentijs. In quo diplomate fatetur tēplum

plum

plum Otingense perpetuo iure spectare ad sedem Patauiensis Ecclesiæ. Eapropter, adhuc ritum Patauiensis Ecclesiæ non Salisburgensis (cui aliàs subiecti sunt) seruant. Exstat Diploma apud Patauienses datum IV. Kalendas Septembris, anno Domini octingentesimo nonagesimo octauo. indicto. 6 anno secundo regni Domini Arnolphi, imperij autem 3. actum Rantestof.

Otinga, sicut & reliqua tota Bauaria per Vngaros miserè vastata fuit, sola ædicula B. Mariæ Virginis per singularē Dei prouidentiam seruata. Suburbana in opidum postea, an. scilicet 907. abiire, quæ nunc noua Otinga ad Oenum.

Anno domini 1228. Ludouicus primus, Palatinus Comes Rheni, & Dux Bauariæ, collegium duodecim Canonicorum cum Decano ac Præposito ibi instituit; viuusque ibi locum sepulchri elegit, qui tamen in monasterio Schirensi sepultus est à suis.

Diplomata huius Ecclesiæ, nempè Carolomanni Fundatoris, Caroli tertij fratris, Arnolphi Imperatoris filij, ac Ludouici nepotis, exstant apud Ioannem Auentinum qui anno Domini 1518. singularem de antiquitatibus ac monumentis Otingensibus libellum edidit, auctum postea per Martinum Eysengrenium Præpositum Otingensem: vulgari lingua Germanica anno 1571.

Sic

Sic fere Viguleus Hundius in Metropoli sua
Salisburgensi.

CAPVT XXIX.

S. MARIAE AQUISGRANENSE
Collegium Canonorum, in Diœcesi Le-
odiense.

A Quæ Grani ciuitas est inter Imperiales
prima, diœcesis Leodiensis, Romano-
rum Imperatorum prima coronatione, & se-
ptênali Sacrarum reliquiarum visitatione ce-
lebris. Hac in vrbe Carolus Magnus Impera-
tor rotundam Dei Genitricis Mariæ Basili-
eam exstruxit, columnis marmoreis ex varijs
Italiæ locis magno sumptu aduectis; in qua
quidem & ipse honorificè conditus quiescit.

Nuncupata est autem hæc Ecclesia à maio-
ribus *Monasterium Sancta Maria*, eò quòd Cle-
rici, seu Canonici viginti, à Carolo Magno
instituti, regulariter in eo vixerint, sub obe-
dientia vnius Præfecti, in communi, intra
claustrum, simul manducantes & dormientes
iuxta statuta Concilij Moguntini sub Carolo
Magno celebrati. Sed hoc suauè iugum Aquis-
granenses, vt & Moguntini, alijq; plurimi,
sub Othone III. Imperatore & Notgero
Leodiensi Episcopo excusserunt. Qui qui-
dem Otho & Notgerus Basilicam Aquisgra-
nensem à Normannis destructam instaurarūt,
atque